

# Ñawinchanapaq munay qillqasqakuna 2015



quechua Cusco-Collao

# CHUCHU WASA UYWAMANTA

Kirkinchuqa Perú llaqtanchikpiqa, yunka suyupi, anti suyupi imam kawsan. Kay uywachataqa qaranmanta charanku ruranankupaqmi runakuna qatiykachanku. Kunan pachapiqa llakikuytaraqmi kirkinchuqa tukunayapuchkan. Imaynas kirkinchu, chayta kay qillqasqapi ñawinchasunchik.

## Ñawinmanta


Kirkinchuqa manam allintachu rikun, chaymi ima rurananpaqpas sinqanwan rinrinwan yanapachikun.

## Wasa qaranmanta

Kirkinchupa wasanqa chuchullaña qarawan p'istusqan kachkan. Pichus k'iriyta munaptinga chuchu qaranwanmi hark'akun utaq kay qaran ukhupi pakarqkun.

## Hark'akusqanmanta

Pipas hap'irquyta munan chayqa, kirkinchuqa wasa qaran ukhupim rump'urqukun. Ima uywachus qatirin chaypas qhatakunapi kaspaga rump'ukuspanmi utqaylla kurumpayun.



## Qallunmanta

Kirkinchupa qallunqa hatuntaq k'askakuqtaqmi. Kuruchakunata sisikunata mikhuymun munan chayqa, k'askaq qallunwan ratachispam siminman aysaykun.


## Chakinkunamanta

Kirkinchupa chakinqa huch'uychakunallam. Kay chakinkunapim ñawch'i sillukuna t'uqun hapch'inanpaq kachkan.

Adpatación: <http://wikifaunia.com/mamiferos/armadillo/>

## Allin hasp'iy yachaq

Unaymi samayninta mana kacharinchu, chaymi pampata t'uquspaqa allpa ukhupi unay kamun.



Q'isan rurananpaqqa sillunkunawan siminwanmi t'uquta rurarqun.

Huk thatki sayay ukhupi imam q'isanta ruran.

Kuskan thatki

Q'isanpas huk thatki sayayta hinallataq tupun.



# Ruranakuna

## 1. Kay qillqasqakunata kutichiy.

**a** ¿Imapaqtaq kirkinchuri rump'urqukun?

-----

**ch** ¿Kirkinchuri imawantaq kurukunata sisikunatapas hap'in?

-----

## 2. ¿Imamantataq kay qillqasqari aswantaq rimapayawanchik?

**a** Imaynas kirkinchu kasqa, chaymanta.

**ch** Imaynatas kirkinchu wasinta ruran, chaymanta.

**chh** Imaynas kirkinchupa wasa qaran kasqa, chaymanta.

## 3. Qillqasqata ñawinchaspas, Isticha kayhinata rimasqa:



Masiykuna,  
¿imamantataq llakikusunman? Kirkinchuqa  
millay uywan. Pampata hasp'ispanmi  
pastukunata pakan, hinaspanmi uywakunapa  
mikhunan pisiyan.

¿Istichapa nisqan qampaq allinchi kanman? ¿Imarayku?

-----  
-----

## 4. Kunanqa qamñataq kirkinchumanta huk qillqasqata rurarquy. Chaypaqqa ñawinchasqayki qillqasqawan, siq'inkuna rikusqaykiwan yanapachikuy. Kimsa t'aqapi qillqanki:

**1 T'aqa:** kay t'aqapiqa ñawin, uman, rinrin, chupan, wasa qaran chaykuna imaynas kasqa, chayta qillqanki.

**2 T'aqa:** kay t'aqapiqa kirkinchupa wasa qaran imapaqsi allin kasqa, chayta qillqanki.

**3 T'aqa:** kay t'aqapiqa imaynatas kirkinchu wasinta ruran, chaytañataq qillqanki.